



Broj: 14-14-13578-9/16
Zenica, 12.10.2016.godine

Na osnovu člana 70. stav (1) i člana 69. stav (1) tačka b) i stav (2) tačka d) Zakona o javnim nabavkama Bosne i Hercegovine („Službeni glasnik BiH”, broj 39/14), u skladu sa preporukom Komisije za provođenje postupka javne nabavke, direktor Službe za zajedničke poslove, d o n o s i

ODLUKU
o poništenju postupka javne nabavke
„Isporuka i montaža klima uređaja za potrebe Zeničko-dobojskog kantona“

Član 1.
(Predmet)

Poništava se postupak javne nabavke po Konkurentskom zahtjevu za dostavu ponuda u predmet broj: 14-14-13578/16, objavljen na portalu javnih nabavki pod brojem: 771-7-1-11-3-9/16 od 05.09.2016. godine, koji se odnosi na postupak javne nabavke: „Isporuka i montaža klima uređaja za potrebe Zeničko-dobojskog kantona“ iz razloga što ni jedna od primljenih ponuda nije prihvatljiva.

Član 2.
(Objava Odluke)

Ova Odluka će biti objavljena na internet stranici Zeničko-dobojskog kantona www.zdk.ba i to istovremeno sa upućivanjem Odluke ponuđačima koji su učestvovali u postupku javne nabavke u skladu sa članom 70. Stav (2) i (6) Zakona o javnim nabavkama.

Član 3.
(Obavješćavanje ponuđača o rezultatima)

U skladu sa članom 71. Zakona o javnim nabavkama („Službeni glasnik BiH”, broj: 39/14), Obavješćenje o poništenju postupka javne nabavke dostavit će se sa Odlukom o poništenju postupka javne nabavke i Zapisnikom o pregledu i ocjeni ponuda, ponuđačima koji su učestvovali u postupku javne nabavke, istovremeno, a najkasnije u roku od sedam dana od dana donošenja Odluke.

Član 4.
(Stupanje na snagu)

Ova Odluka stupa na snagu danom donošenja.

O b r a z l o ž e n j e

Služba za zajedničke poslove je na osnovu Odluke o pokretanju postupka javne nabavke broj: 14-14-13578/16 od 28.07.2016.godine, pokrenula postupak javne nabavke klima uređaja. Javna nabavka je provedena po konkurentskom zahtjevu za dostavljanje ponuda u skladu sa članom 88. Zakona o javnim nabavkama. Procijenjena vrijednost nabavke je 12.820,50 KM sa PDV-om. Ugovorni organ je objavio obavješćenje na portalu javnih nabavki broj: 771-7-1-11-3-9/16 dana 05.09.2016.godine. Komisija za provođenje postupka javne nabavke, koja je imenovana Rješenjem broj: 14-14-13578-1/16 od 06.09.2016. godine, blagovremeno je izvršila javno otvaranje ponuda, te pregled i ocjenu ponuda i zapisnikom od 22.09.2016.godine, konstatovala da su u predviđenom roku pristigle tri ponude, ponuđača: „Imtec“ d.o.o. Sarajevo, „Termmos & Top frigo“ d.o.o. Mostar i „Intercom“ d.o.o. Zenica.

Nakon pregleda i ocjene ponuda naprijed navedenih ponuđača, Komisija je u zapisniku od 11.10.2016.godine konstatovala da pristigle ponude nisu prihvatljive iz sljedećih razloga:

1. Ponuđač „Imtec“ d.o.o. Sarajevo je u ponudi dostavio sve dokumente koji su traženi tenderskom dokumentacijom, što se vidi iz tačke 12. zapisnika. Prilikom pregleda dostavljenih dokumenata kada je u pitanju njihov oblik, sadržaj i potpunost utvrđeno je da nisu u potpunosti ispunjeni zahtjevi koje je postavio ugovorni organ tenderskom dokumentacijom (tačka 13. zapisnika).

Pregledom nacrtu ugovora (Aneks VI) utvrđeno je da je isti popunjen, potpisan od ovlaštenog lica i ovjeren. U članu 2. nacrtu ugovora ponuđač se poziva na Ponudu, broj: 05573/16-2 od 15.09.2016. godine. Pregledom dokumentacije dostavljene uz ponudu ponuđača „Imtec“ d.o.o. Sarajevo, utvrđeno je da je ponuđač uz Obrazac za cijenu ponude dostavio i dokument Ponuda, broj: 05573/16-2 od 15.09.2016. godine, potpisan od strane ovlaštenog lica i ovjeren, u kojem je data kalkulacija cijene ponude i u kojem je na dnu dokumenta boldiranim slovima navedeno: „Za montažu klima uređaja na visokim i nepristupačnim mjestima osim uz angažman „korpe“ želimo da Vas informišemo da je najam „korpe“ KM 150 po satu“.

Iz ovoga proizilazi da ponuđač nije u cijenu ponude uračunao sve troškove koje ugovorni organ treba platiti dobavljaču, te prilikom realizacije ugovora za ugovorni organ postoje dodatni troškovi, čime nije ispunio uslov da ugovorni organ ne smije imati nikakve dodatne troškove, osim onih koji su navedeni u Obrascu za cijenu ponude (Aneks III). Ovakva ponuda se smatra neprihvatljivom, te ju je ugovorni organ dužan odbaciti u skladu sa članom 68. stav (4) tačka i) Zakona o javnim nabavkama.

2. Ponuđač „Termmos & Top frigo“ d.o.o. Mostar je u ponudi dostavio sve dokumente koji su traženi tenderskom dokumentacijom, što se vidi iz tačke 12. zapisnika. Prilikom pregleda dostavljenih dokumenata u ponudi ponuđača „Termmos & Top frigo“ d.o.o. Mostar, kada je u pitanju njihov oblik, sadržaj i potpunost utvrđeno je da nisu u potpunosti ispunjeni zahtjevi koje je postavio ugovorni organ tenderskom dokumentacijom (tačka 13. zapisnika).

Dokaz o uredno izvršenim ugovorima nije dostavljen na način kako je zahtijevano tačkom 3.3. Tenderske dokumentacije. Dostavljene su potvrde o uredno izvršenim ugovorima, ali bez spiska izvršenih ugovora, što nije u skladu sa članom 48. stav (2) Zakona o javnim nabavkama.

Pregledom nacrtu ugovora (Aneks VI) utvrđeno je da isti nije popunjen u članu 2. nije upisana ukupna cijena za isporuku i montažu klima uređaja.

Tačkom 4.8. tenderske dokumentacije propisano je da se ponuda dostavlja na jednom od službenih jezika u Bosni i Hercegovini, na latiničnom ili ćirilicnom pismu. Takođe je propisano da izuzetno dio priložene dokumentacije (katalozi, brošure i sl.) može biti i na drugom jeziku, ali u tom slučaju obavezno se prilaže i prevod ovlaštenog sudskog tumača za jezik sa kojeg je prevod izvršen.

Ponuđač „Termmos & Top frigo“ dostavio je kataloški list proizvođača opreme General (Fujitsu) na engleskom jeziku, bez priloženog prevoda ovlaštenog sudskog tumača, što nije u skladu sa zahtjevom iz tačke 4.8. Tenderske dokumentacije. Takođe je priložio tehničke karakteristike po Euroventu za proizvođače General (Fujitsu) i Midea na engleskom jeziku, bez prevoda ovlaštenog sudskog tumača, što nije u skladu sa zahtjevom iz tačke 4.8. Tenderske dokumentacije.

Iz gore navedenih razloga, obzirom da ponuda ne ispunjava sve uslove koji se traže tenderskom dokumentacijom, ovakva ponuda se smatra neprihvatljivom, te ju je ugovorni organ dužan odbaciti u skladu sa članom 68. stav (4) tačka i) Zakona o javnim nabavkama.

3. Ponuđač „Inter-com“ d.o.o. Zenica nije dostavio sve potrebne dokaze tražene tenderskom dokumentacijom, što se vidi iz tabelarnog prikaza u tački 12. zapisnika.

Naime, ponuđač „Inter-com“ d.o.o. Zenica, uz ponudu nije dostavio tehničku dokumentaciju za opremu čiju isporuku i montažu nudi. Samim time nije obezbijedio dokaz na osnovu kojeg se utvrđuje da li ponuđena oprema ispunjava minimalne tehničke uslove zahtijevane u Tehničkoj specifikaciji koja je sastavni dio Obrasca za cijenu ponude – Aneks III.

Obzirom da ponuđač „Inter-com“ d.o.o. Zenica nije dostavio sve dokaze tražene tenderskom dokumentacijom, ugovorni organ dužan je odbaciti ponudu u skladu sa članom 68. stav (1) i stav (4) tačka i) Zakona o javnim nabavkama.

Na osnovu svega navedenog, a u skladu sa članom 69. stav (2) tačka d) Zakona o javnim nabavkama ("Službeni glasnik BiH", broj: 39/14), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Službi za zajedničke poslove Zeničko-dobojskog kantona, u roku od 5 (pet) dana od dana prijema ove Odluke. Žalba se podnosi u najmanje 3 (tri) primjerka.

Dostavljeno: 1 x ponuđači

1 x tenderska dokumentacija

1x a/a



DIREKTOR

Čazim Karalić.